

رُملِ کتابی

اصول رمل ایله برابر فاله ، طالعه متعلق قواعدی شامل
مہراق آور بیر رسالہ در

محرری :

ابوالمعمر فؤاد

ایکینجی طبع

صاحب و ناشری :

جمعیت کتب خانہ سی

صدای ملت مطبعہ سی

۱۳۳۳

افاده :

علوم موجوده ایچنده بالنسبه ترقیدن محروم قالمش اولان علملردن بیریده « رمل » در . عربی العبارة اولق اوزره طبع ونشر ایدلمش ویا ال یازیسیله مختلف طرزو اسلوبنه یازیلش برچوق کتب رملیه موجود اولقله برابر مع التأسف شمدی یه قدر ترکجه اوله رق بزده مطبوع بیر رمل کتابنه تصادف ایدیلهمامشدر دینلسه یالان سوبله نمش اولماز .

علم رمل ، حقیقهٔ مراق آورددر . دیگر تفأل قواعدینه قارشی اولدینی کبی بوکاده طبیعت بشریه ده بویوک بر میل و مراق اثری وارددر . اشته عاجزلری قدیمدن قالمش عربی العبارة مطبوع وعینی صورتله ال یازیسیله یازیلش ترکجه غیر مطبوع کتب و رسائل موجوده دن خلاصه صورتیه شو کتابی وجوده کتیردم .

نهایتته ده فاله ، تعبیر رؤیایه عائد برچوق اصول وقواعد علاوه ایلهدم . اربابی ، دهها مکمللرینی وجوده کتیرمکله جمله منزی دهها زیاده مستفید ایده بیلیرلر .

ابوالمعمر فوؤد

مدخل

تعريفات ، مطالعات

رمل . — لغتده ! قوم ريك معناسنه در .

علم رمل . — اشكال مخصوصه اغانه سيله استخراچ ضمير قواعديني
كوسترن علمه « علم رمل » تعبير اولونور . وقتيله يازماقلر واسطه سيله
بوشكللري قوم اوستنه تصوير ايتدكلرندن « علمك رمله نسبتي بو
يوزدن در . عربستانده رمل اليوم بو طرزده دو كولور . علم رمل ده
حكمت رياضيه دن برقسمدر . قدرت حق ايله ضميرك استخراجه
مدار اولديني كي روش احوال ووقايي ده بر درجه استكشافه
خادم در .

رمل حقننده حضرت فيخر كاينات افندمرك « بندين اول كلن
ابنيادن برينك معجزه سيدر » مئلده بر حديث نبويي ده ذكر
اولنمقده در . رملك دانيال عليه السلامه عائد بر معجزه اثرى اولديني
نقلا مرويدر . فقط شوراسي ثابت و محققدر كه رمل مرور زمان
ايلاه ديكر علملره نسبتله كوشه نسيانده قالمش يالكز بعض قطعانده
مسكون انسانلر بيننده رواج بولمش مستقل بر علم در .

آفريقانك شمالنده كاث مصر، سودان، فاس، جزاير قطعه ليله
هندستان، تركستان و كرستان قطعه لرنده، يمن و سوريه نك بعض اقسامنده

علم رمل اولدقجه توسع ايتمش کرکی کبی رغبت بولمش بر علم مخصوصدر .

اوله رمالر واردرکه کشف ضمیر خصوصنده کوستردکری آثار مهارته قارشی انسان حیرتله ایچنده قالیر ؛ عادتا بونی کرامت صورتنده تلقی ایده جکی کلیر . بعضاً رمل ضمیر ایله اوقدر تطابق ، فکر ودوشونجه ایله اودرجه توافق ایده رکه رمالک بوبابده کی قدرت علمییه سنی نه یولده تصویر ایده جکنی انسان شایریر .

واقما علم رملده استخراج فکر وضمیرده کسکین بر ذکایه ، جوال و آتشین بر دماغه ده احتیاج واردر . ذکا و سرعت انتقال خاصه لری هر علمدن زیاده بوراده لزوم وجودینی کوسترر .

بعضاً طوتولان نیتله آتبلان رمل بیننده مطلوب درجه ده مناسبت بولونه ماز .

چونکه ! رملده برچوق مؤثره تابع وملکویه مفتقر اولمقله برابر هر ضمیری قبلی قبلنه وقطعی صورتده حل ایده مز . یعنی ایکی کره ایکی دورت ایدر کبی بر قطعیت ریاضیه مالک دکلدر . ضمیری بعضاً تمامیه کشف ایتمه خدمت ایلدیکی کبی بعضاً ده علی طریق الانتقال شرحه یارديم ایده و نبتک زمین ومبنی علیهنی تعیین صورتیه مطلوبه تقریب وظیفه سنی کوره بیلیر .

*
**

شوراسی معلوم ومحققدرکه علم غیوب جناب حقه مخصوصدر .

بالخاصه - مغیبات خمسہ بی بیلک خصوصندہ انسانلردہ بویوک بر اثر
عجز کورولور.

تعبیر عمومیسیلہ و تفرعات کاملہ سیلہ کشف استقبال هرکسہ نصیب
اولہ میان خارقه نما قوتلردن در. شوئی دیمک ایستہ رزکہ : علم رمل
غیبی هیچ برزمانده بیلدیرہ مز. ضمیر دینیلن نیت اول امرده مغیباتدن
عد اولوناماز. چونکہ : او شی سائلجہ معلوم در. یعنی رمالک
بونی کشف خصوصندہ کی مهارت علمیه سی مطلق دکلدیر. ثانیاً
جناب قادر مطلق حضرتلری تقدیر بویوردینی درجہ ده اولمق اوزره
بعض قوللرینی دیکرلرینہ نسبتله دها زیادہ آکاه ایله مشدر.

اشرف مخلوقات اولان انسانلرک - غیر مکشوف یوز بیکلرجه
شی بولونمقلہ برابر - برچوق حقیقته وقوفلری ینہ اوقادر مطلقک
عنایت بویوردینی قوت، قدرت، مهارت، ذکا و سرعت انتقال
ویک چوق امک وغیرت، سایہ سنده در.

دها عمومی تعبیر ایله سویله یه لم : کورن ده حق ؛ کوردیرن ده
حقدر. بو خصوصده انسانلرله کوزلر بیرر واسطه درلر. پیغمبران
عظام و اولیای کرامه بخش و احسان بویوریلان معجزات و کرامات
هپ بونوعدن بیر اثر لطف ربانی در. آدم، نامتناهی بر عالم در، من
قبل الرحمن قوه کاشفیه مالکدر. انجق هرکسک درجہ سی استعدادینه
تابع بولونور. هر فرد، کنز لایف نای الہیدن اولان نصیبی تقدیر
واہنامی درجہ سنده آله بیلیر.

مستثنا خلقتده یاراتیلمش نیچه دهات سیاسیہ وارد رک الی، یوز
سنہ سوکره واقع اوله جق احوالی حاضرده موجود آثار و دلائله

تطبیقاً کشف واستخراج ایده بیلرلر. دورین نظرلر، اک اینجه حقایق کشف ورؤیته مقتدردرلر. بونک کی بعض علائم و امارات ایله وقت لازمده برطیب مولد. برچوجفک والده سی رحمنده ایکن اوغلانمی قیزمی اولدیغنی یوزده طقسان بر اصابته تعین ایده بیلیمکده در. بونلر شبهه سز قوه کاشفه فنیه دندر. وینه قدرت حقله حصوله کلیمکده در. ینه بومیانده اوله رق بر بارومتره ایبره سنک تحولات هواثیه نی کوسترن لوحه سی اوزرنده یاغ مور یاغه جنی، یاخود کوزل بر هوا پایه جنی کوروله بیلر.

دها محیر العقول اولمق اوزره علم هیئت علماسی، ارض و قمر و شمسک معلوم و معین اولان حرکات مختلفه سی جهته معلومدن مجهولی استدلال طریقله و حسابات قطعه ریاضیه ایله بوکون خسوف و کسوف ساعت، دقیقه و حتی ثانیه سیله بیله کشف ایده بیلیمکده در که بونلره قدرت و عظمت سبحانیه نظرلرده برقات دها تجسم و تظاهر ایدیور. کیم نه دیرسه دیسون، انسان دینیلن مخلوق ممتازده بر سر معنوی بر قوه غیر مرئییه واردر. چونکه انسان، معنویات و مادیاتله تمام اولور برو جوددر. بوسببله معنویاتی منکر اولانلرک عقلنه شاشار، اوزواللیله -بدأ آجیرم. ماتریالیستلرده وجداناً معترف درلر که ماده لر بیننده ده مناسبتی حاصل ایدن ینه بر قوه معنویه در. دها اوزاغه کیمه کده حاجت یوق، کندیلرنده کی حسیات ذاتاً بوفکر مزک اصابینه غیر منفک، قطعی بر شاهد عادلدر. «مانیاتیزم» دینیلن فن مخصوصه ده ثابتدر که انسانلرک قوای مفکره لری، حسیات عقلیه لری بیننده بر نسبت و مشارکت واردر. متبن وسعتلی بر دماغ عین زمانده دیگر بر دماغه کی تحسسانه انتقال طریقله وقوف پیدا ایده بیلر. رملده صور اجرائیه سی اعتباریله اشکال مخصوصه

و معینه دن قواعد منتظمه دلالتیاه بر چوق حقیقتک کشفی ممکن اولدیغی
 کی رملک مانیاتیزمه ایله ده مناسبت مخصوصه سی اولدیغی کیم انکار ایده بیلیر؟
 الحاصل رمل ، هر حقیقتی تعیین ایده مه مکله برابرینه بر چوق
 ضمیرلری بزه کشف و یا هیچ اولمازسه تخمین ایچین خدمت ایده بیلیر.
 هر ذره قدرت حقه مفتقر اولدیغنه کوره بو علم ده ینه قدرت ربانیه ایله
 اظهار موجودیت ایلیه بیلیر . انسان ، هر شیده بر حقیقت آرامق بولنی
 بیلیرسه غائب ایتمز ، قازانیر . چونکه : هر شیئک علمی شبهه سز جهلندن
 اولی در . و ارسین شو کتابده علوم موجوده ایچنده بزم ایچین بر
 قائده لی اکلنجه . یا خود بر اثر تسلی مقامنده بولونسون .

* *
*

بعض کتابلر علم رملک « ادریس علیه السلام » ایله مناسبتی
 اولدیغی بیان و حتی مشارالیه عائده بعض قوللرده درمیان ایتکده درر .
 جناب دانیال دن صوکر ا ، عبدالله ، زبانی کی ذاتلرک و متبحرین
 علمادن جناب شیخ الاکبر « محی الدین عربی » نکه ده علم رملده پک زیاده
 صاحب رسوخ و ملکه بولند و قلمری کتب معتبره ده مسطور درر . حتی اکثر
 قواعد رملیه بو ذاتلرک اجتهدینه ، قواعد موضوعه لرینه مستندر .
 رمله مستند اصوللر پک مختلفدر . او قدر مختلف درکه قواعد
 موجوده نکه هپسینی بر آراده جمع و تلفیق ایتک ایچین عظیم جلدلره
 احتیاج واردر . بز بو کتابده اونلرک اک چوق مستعمل و مشهور
 و تجربه لی اولانلرندن بر قاچ قاعده یی ذکر ایده جکزر .

— . رملك اساسى . —

رملك مبدئى واساسى شو : شكلدرکه بوكا « اب الرمل »
ومنتها سیله آناسی ده شو ≡ شکلدرکه بوكاده « امل الرمل دیرلر .

— . اشكال رملیه . —

اشكال رملیه نقطه لوله خطلردن ترکیب ایدهرکه اساسی ینه نقطه در .
هرایکی نقطه بر خط اعتبار اولونور . نقطه لوله « فرد » یعنی تک ،
خطوط ده « زوج » یاخود چفت دیرلر .

اشكال رملیه نقطه لردن ترکیب ایدهرسه ده لاجل الاختصار هرایکی
نقطه بر خط اعتبار اولونمقده در . مثلاً ≡ شکلنک اساسی :
بویله ایکن — بعدالاختصار بو ≡ حالى المشدر .
قول دانیاله کوره اشكال رملیه صره سیله بوجه آتی اون آلتی در :

- | | | |
|-----|---|-------------|
| ۱ — | ≡ | لجیان |
| ۲ — | ⋮ | قبض داخل |
| ۳ — | ⋮ | قبض خارج |
| ۴ — | ≡ | جماعت |
| ۵ — | ⋮ | فرح ، جودله |
| ۶ — | ⋮ | عقله |

- ۷ —  انکبس
- ۸ —  حمزہ
- ۹ —  بیاض
- ۱۰ —  نصرت خارجہ
- ۱۱ —  نصرت داخلہ
- ۱۲ —  ثابتہ عتبہ خارج .
- ۱۳ —  نقی الخد
- ۱۴ —  قائمہ
- ۱۵ —  اجتماع
- ۱۶ —  طریق [*]

— . اشکال رملیہ نك عناصر اربعہ یہ نسبتی . —

عناصر اربعہ شونلردر : آتش ، هوا ، صو، طو، پراق . موجودات
بودرت شیدن خالی اولہ ماز .

شمدی مثلاً طریق شکلندہ :: برنجی نقطہ نارہ ، ایکنجیسی

[*] اشکال مذکورہ بی بویلجہ صرہ سبلہ بلہ مک الزمدر .

هوايه ، اوچنجیسی صویه ، دردنجیسی طوراغه منسوب اعتبار
اولمشدر . شویله صره کوستره لم :

..... آتشین

..... بادی

..... مائی

..... ترابی

هرشکل رملی درت قسمدن متشکل اولدیغنه کوره برنجی صره به
آتش نقطه سی ، ایکنجی صره به هوا نقطه سی ، اوچنجی به صوت نقطه سی
دردنجی به تراب نقطه سی تسمیه ایدر لر . بو حالده برشکلک عناصر
اربعة دن هانکیسنة منسوب اولدیغنی تعیین ایچین نقطه لرینه باقیلمق
کفایت ایدر .

مثلا شکل لایانه [یعنی شو ≡] کوره نقطه آتش قسمنده
بولوندوغندن بوشکل اشکال ناریه دندر . انکیس یعنی بو ≡ شکلک
نقطه سی ترابیده اولقله ترابیدر . کذا بو ≡ شکل ترابی وهوائی در
چیفترمل . — بالاده درج اولنان صره سیله اون آلتی شکلک هیئت
مجموعه سنه صفت رمل تعبیر اولنور . علی الاطلاق تشکیل ایدیلن اون آلتی
شکل دخی ینه بونام ایله یاد اولنور . بالاده کی صفت رمله کوره :
برنجیسی اولان لایان یعنی شو ≡ شکل ناری ، ایکنجیسی

≡ ملک و مقام ، مأموریت ، آنا ، بابا ،
دوگون ، غلبه‌ک ، دینه ، باغ ، باغچه و اشجار .

⋮ اولاد . خبر ، مکتوب ، عاشق ، معشوق
طعام ، هدیه ، مسرت .

≡ خسته ، قول ، خلاق ، عمل ، تجارت ،
مشقت ، درث ایاقلی حیوانات .

≡ خرسز ، اشقیا . عورت ، اورتاق ،
نکاح ، غائب ، آجلق . حرب ، دعوا .

≡ الم ، قورقو ، آفات ، اولوم ، مال مسروق ،
مال میراث ، بیت‌المال ، مال نسوان .

≡ دکزیولی ، رؤیا ، قاضی ، دعوت ، ادیان ،
اعتقاد ، خبر ، حج ، کوچک قرداش . علم و محبت ، جاه و منصب .
مال میراث .

≡ سلاطین ، منصب ، رتبه ، نشان ، حکومت ،
ایش کوچ ، اوکی آنا و بابا ، حال غائب .

≡ امید ، محبت ، سعادت ، غنیمت ، کوکل
خوشلنی ، یاران ، احسان .

٭.....، دشمن، حبس، زندان، تهمت، جرم،
منصبیدن عزل، غالب و مغلوب، یاراماز عورتدن سؤال.

٭..... عدم موفقیت، صقندی، کدر، قان،
طالب، سائلک طالعی، غائبیدن، خصومندن.

٭..... یازلی کاغد، باتقنوط، مطلوب، اولولق،
تفیض، معاش، رتبه، معشوق، تأهل، خسته و یاسفردن.

٭..... یازیل کاغد، مکتوب، سوز، محاوره،
ملاقات، میزان، قاضی الرمل، مطلوب شینک ایولکی و یا کوتولکی،
فرار ایدندن، سؤال.

٭..... سفر بعید، کلن و کیدن، اوزاقدن خبر

عاقبة العاقبه، احوالك سعادت ونحوستی، ایشك صوکی وعاقبتی،
کچمش و کیزلی ایشلر، آلوب صاعقدن سؤال.

سعد و نحس

— . یا حود مسعدت ونحوست . —

جمعیت بشریه ایچنده بعض شیلره عین مسعدت و بمضری نه ده نحوست
عطف اولنه کلشدر . یعنی فلان شی اوغورلو کلدی ، فلان تشبث

اوغورسز چیقدی دیرلرکه اوتهدنبری فکر بشرده حقیقه غیر قابل ازاله بردرجهده برطومتش، برلشمش مسائلدندر. آت، خانه، عورت، سلاحدن عبارت درت مسئلهده اوغور بللنسی من القدیم عادت اولمشدر. بناء علیه هرشیئه، هر حاله قارشی برسعادت ویاخود نحوست عطفی ملل موجوده نك همان کافه سی آراسنده جاری مسائلدندر.

قضاء انسان اوینه برقوش آلسهده متعاقباً برکدر ظهورایتسه، قوشك اوغورسز لغندن بحث ایدلك همان عادت حکمنه کیرمشدر.

بو کیفیت ازمینهده نسبت اولنه کلدیکنندن کونلرک، کیجه لرك، حتی ساعت ودقیقه لرك بیله مسعدت ونحوستی تبین ایتمکده در. عین ومسعدت ویاشأمت عطفی کیفیتی بعضاً قدیمده وقوعه کلش احوالهده نسبتدن تولد ایدره.

مثلاً یوم الاحدکه بازاردر، دنیا مزنک یارادلدیغی ایلک کون اولوق اعتباریله وشمسه نسبتله ایی برکون بیلنمشدر. کذا صالی کونی، حضرت حوانك ایلک رؤیت حیضی وسائره کی خصوصاتك وقوعی مناسبتیله علی الاکثر مششوم عد اولنه کلشدر.

فرانسزلرده برچوق سبیدن ناشی «اون اوچ» رقی عمومیتله مششوم اعتبار اولونویورکه اربانه معلوم در.

بناء علیه انسانلرک خلقتده کی، طبیعتده کی اختلافلی وطولای پسيله هر شخصك برچوق مؤثره تابع اولوق یوزندن برطالی (وشانسی) بولونوق سببيله بعضیلرینه اوغورسز کان برکون ویا برشی، دیگرلرینه اوغورلوكه بیلیرکه بوده آریجه نظر دقته آلمغه شایان بر مسئله در.

اشرف ساعت و یا زمانك موجودیتی ایشته بوصورتله میدانه
ککشددر .

فقط انسانلر زمانی حلول ایتمش اولوبده اجرایی لابد وعدم
اجرایی حالنده مضرت وقوعی محقق بولنمش اولان برایشی « اشرف
ساعت حلول ایتدی » دیه تأخیر ایدهرسه ضررلی چیقهجنی و اوهام
و خیالاته قایلنمش اولهجنی درکاردر . مثلاً موقع حربده زمانی کلنمش
واجرایی لابد کورونمش برجمومی اشرف ساعته انتظار یوزندن
تأخیر ایدن برقوماندان خدانکرده بر اردونك، بر ملنك محوینه قدر
یورومش اولق کبی مهالکه - هدف اولورکه بویوک بر جنایت
صاییلیر .

کرچه جناب حق ضالانده قالان برقومی غضب و جزای الهیسنه
دوچار بویوردیغنی بیانا : « بز اونلره ریج صرصری ایام نحسانده
کوندرنك ، مألنده برآیت کریمه ایله اظهار حقیقت بویوردیغندن
ایامدهده نحوست و یا مسعدنك وجودینه قائل اولق بك طبیعیدر . شو
قدرکه سعد ونحس حاللری وزمانلری بزجه برر شینه ووقوعاته نسبت
اولونه کلدیکندن حقیقتدهسعد ونحس زمانلرینی تعیین ایتك امکانشدر
بز علامت ظاهریه نسبتله بویله اجتهاد ایتمشز بناء علیه انسانلر هر
حاله تشأم دکل تفأل ایتلی هرهانکی ایشده اولورسه اولسون فوائد
ومحذوراتی درپیش تأمل ایله فائدهلری محذورلرینه غالب کورولدیکی
تقدیرده وقت کچیرمیهرك کال حسن نیت و تائی ایله اوایشه باشلاملیدر
جناب حق تقدیر بویورمش ایسه حسن نتیجه تجلی ایدر . تقدیرازل

نَحْسُ اصْفَرُ . . .

نَحْسُ مَنقَلَبُ . . .

— . اشكال داخله و خارجه ايله ثابتہ ، —

اشكال داخله شونلردر :

اشكال خارجه ، :

سعد داخل شكللى :

سعد خارج :

سعد مخرج :

اشكال ثابتہ : مثلاً بونلردن

شكلى سعد ثابتدر

اشكال منقلبہ :

رملده ضميره كلن شكل سعدايسه نيتك سعادتله حصوله نحس

ایسه عدم حصوله، نحس ثابت ایسه نحو سنده دوامنه دلالت ایدهر .
ینه بو شکل سعد داخله مطلقا حصوله ، سعد خارج ایسه مرور
زمان ایله موفقیته نحس داخله کوچلکه وقوعه ، نحس خارج ایسه
صورت قطعیته عدم موفقیته اشارت عد اولونمشدر . و بو صورتله
احکام اربعه تحصیل ایتشدر .

مثلا طالعه سعد داخل کلسه مسعودینده دوامی ، سعد خارج
کلسه سرورلی تبدلاتی کوسترر . بالفرض $\equiv$ شکلی کلسه سائل
نفسندن سفره عزمت سؤالی ایراد ایتش دیبه حکم اولونور .
صفت رملده برنجی . دردنجی ، یدنجی . اون برنجی خانه لره سعد
شکل کلیر و اشکال موجوده ده کثرت اشکال سعدده بولونور سه و ایشده
ایلدکه حکم طبیعیدر .

بونلر سائلک ویر
مک آلق کلک
کیتک کی
خصوصاته دائر
حکم و برمه
یارار

اشکال موجوده : $\equiv \div \div \div \div \div$
اشکال معدومه : $\equiv \div \div \div \div \div$

مطلوبک حیاة
و تماشای تمیننه
خدمت ایدهر

حیاة شکری : $\equiv \equiv \div \div \div \div \div$
مماة شکری : $\equiv \div \div \div \div \div$

بعض حکملرده
ایسه یارانه
جقدر .

اشکال تورانی : $\equiv \div \div \div \div \div$
اشکال ظلمانی : $\equiv \div \div \div \div \div$

